



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

IV. Quod rite omni sabbato ieunetur.

urn:nbn:de:hbz:466:1-14918

Hæc autem pontificibus solis deberi , vt vel consignent,
vel paracletum Spiritum tradant, non solum consuetu-
do ecclesiastica demonstrat, verum & illa lectio Actuum

Ad. 8.

Apostolorum, quæ asserit, Petrum & Ioannem esse di-
rectos , qui iam baptizatis traderent Spiritum sanctum.

^a Nam presbyteris, seu extra Episcopum, seu præsente E-
piscopo baptizant, chrismate baptizatos vngere licet, sed
quod ab Episcopo fuerit consecratum, non tamen fron-
tem ex eodem oleo signare, quod solis debetur Episcopis,
cum tradunt Spiritum paracletum. Verba vero dicere
non possum, ne magis prodere videar, quam ad consul-
tationem respondere.

IV.

^b Sabbato vero ieunandum esse , ratio euidentissima
demonstrat. Nam si diem Dominicum , ob venerabilem
resurrectionem Domini nostri Iesu Christi , non solum in
Pascha celebramus , verum etiam per singulos circulos
hebdomadarum, ipsius diei imaginem frequentamus , ac
sexta feria propter passionem Domini ieunamus, sabbato
prætermittere non debemus, quod inter trititiam
atque lætitiam temporis illius videtur inclusum. Nam vtique
constat, Apostolos biduo isto & in mœrore fuisse ,
^{Iohn. 20.}
& propter metum Iudæorum se occuluisse. Quod vtique
non dubium est , intantum eos ieunasse biduo memo-
rato , vt traditio ecclesiæ habeat , isto biduo sacramenta
penitus non celebrari: quæ vtique forma per singulas te-
nenda est hebdomadas, propter id quod commemo-
ratio diei illius semper est celebranda. Quod si putant, se-
mel atque uno sabbato ieunandum, ergo & Dominica ,
& sexta feria semel in Pascha erit vtique celebranda. Si
autem Dominici diei & sextæ feriæ per singulas hebdo-
madas reparanda imago est , dementis est , bidui agere
consuetudinem sabbato prætermisso, cum non disparem
habeat causam , a sexta videlicet feria, in qua Dominus
passus est, quando & ad inferos fuit, vt tertia die resur-
gens, redderet lætitiam post biduanam trititiam præce-
dentem. Non ergo nos negamus sexta feria ieunandum,
sed dicimus & sabbato hoc agendum , quia ambo dies
trititiam Apostolis, vel his qui Christum sequuti sunt ,
induxerunt. qui die Dominico exhilarati. non solum

*De consec.
dist. 3. Sab-
bato vero.
Et in De-
cret. Iuo.
lib. 2.*

8 INNOCENTII PAPÆ I.

ipsum festiuissimum esse voluerunt, verum etiam per omnes hebdomadas frequentandum esse duxerunt.

V.

^c De fermento vero, quod die Dominica per titulos mittimus, superflue nos consulere voluisti, ^d cum omnes Ecclesiarum nostrarum intra ciuitatem sint constitutæ. Quarum presbyteri, quia die ipsa propter plebem sibi creditam nobiscum conuenire non possunt, idcirco fermentum a nobis confectum per acolythos accipiunt, ut se a nostra communione, maxime illa die, non iudicent separatos. Quod per parochias fieri debere non puto, quia ^e nec longe portanda sunt sacramenta: nec nos per cœmeteria diuersa constitutis presbyteris destinamus, * & presbyteri ^{* vt &} ^{ad. sed} eorum confiendorum ius habeant atque licentiam.

VI.

De his vero baptizatis, qui postea a dæmonio, vitio aliquo aut peccato interueniente, corripiuntur, quæsiuit dilectio tua, si a presbytero vel diacono possint aut debeant confignari: quod hoc nisi Episcopis præcipere non licet. Nam ei manus imponenda omnino non est, nisi Episcopus auctoritatem dederit id efficiendi. Ut autem fiat, Episcopi est imperare, ut manus ei vel a presbytero, vel a ceteris clericis imponatur. Nam quomodo id fieri sine magno labore poterit, ut longe constitutus energumenus ad Episcopum deducatur, cum, si talis casus ei in itinere acciderit, nec perferri ad Episcopum, nec referri ad sua facile possit?

VII.

De confec.
dist. 3. De
poenitenti-
bus vero.

De poenitentibus vero, qui siue ex grauioribus commissis, siue ex leuioribus poenitentiam gerunt, si nulla interueniat ægritudo, quinta feria ante Pascha eis remittendum Romanæ Ecclesiarum consuetudo demonstrat. Ceterum de pondere æstimando delictorum, sacerdotis est iudicare, ut attendat ad confessionem poenitentis, & ad fletus atque lacrymas corrigentis, ac cum iubere dimitti, cum viderit congruam satisfactionem. Sane si quis in ægritudinem inciderit, atque usque ad desperationem deuenerit, ei est ante tempus Paschæ relaxandum, ne de seculo absque communione discedat.

VIII.